

ТОШКЕНТ ҲАҚИКАТИ

1928 йил 11 декабрда асос солинган

ИСЛОҲОТЛАРНИНГ ЯНГИ БОСҚИЧИГА ҚУТЛУҒ ҚАДАМЛАР БИЛАН

Юртимизга ўзининг қутлуғ қадамлари билан кириб келган Янги – 2018 йилни жонажон пойтахт вилоятимиз аҳли ҳам кўтаринки руҳда, муносиб ютуқлар ва улкан режалар билан қарши олди.

Шукуҳ



теранроқ англаш, жойларда ечимини кутиб ётган кўплаб муаммо ва масалаларга биргаликда ечим излаш ҳар жиҳатдан тўғри йўлдир. Бинобарин, поёнига етган "Халқ билан мулоқот ва инсон манфаатлари йили"да миллий тараққиётимизнинг энг муҳим ва устувор йўналишларини ўзида акс эттирган "Ҳаракатлар стратегияси"нинг ҳаёtgа изчил татибқ этила бошлангани, барча даражадаги раҳбарларнинг шахсан маҳаллаларда бўлиб, одамлар хонадонига кириб, мавжуд муаммоларни жойида ҳал қилишга интилиши, одамларимизнинг дардига қулқ тутиши, халқимизнинг руҳини кўтариб, эртанги кунга, давлатга, сиёсатга ишончини мустаҳкамламоқда.

Мамлакатимизнинг йирик саноат марказларидан бўлган вилоятнинг иқтисодий ривожига тарихий янгилаш жараёнлари кечмоқдаки, бу ислохотлар пировардида, ободлик ва фаровонликнинг мустаҳкам асоси бўлиб хизмат қилиши шубҳасиз.

Янги йил вилоятимиз учун унутилмас қувончли воқеа – Президентимиз ташрифи билан бошлангани ҳам қалбларимизни чексиз қувонч, фахр ва ифтихорга тўлдирмоқда. Шу кунларда вилоятимизнинг қай бир гўшасига борманг, бир-бири-

га меҳр ила боқиб турган, қалби эзгуликка лиммо-лим замондошларимиз Президентимиз ташрифи давомида ҳал этилган кўплаб муаммо ва масалалар, бошланган оламшумул ўзгаришлар хусусида мароқ билан гурунглашаётганларига гувоҳ бўласиз.

Бугунгидек мунаввар кунларда эришилган ютуқ ва марраларимизни ҳар тарафлама таҳлил қилиб, ислохотларнинг янги босқичига қадам қўяётган эканмиз, ютуқларга маҳли бўлмай, халқимиз дарду ташвишларини

Президент ташрифидан сўнг...

Хабарингиз бор, 2018 йил 5 январь куни давлатимиз раҳбари Шавкат Мирзиёев вилоятимиз туманларида, хусусан, Янгийўлдаги "Файзли" маҳалла фуқаролар йиғинида бўлиб, Янгийўл шаҳрининг Бош режаси лойиҳаси, оқова сув тармоқларини реконструкция қилиш ва янгилаш, бу ердаги уй-жойларни таъмирлаш дастурлари ҳамда хусусий уй-жой мулкдорлари ширкатлари фаолиятини замонавий технологиялар асосида такомиллаштириш борасидаги ишлар билан танишди. Ўзининг ибратли фазилатига содиқ қолиб, оддий одамлар билан суҳбатлашди, уларнинг дарду ташвишларини тинглади.

«ОТА МЕҲРИНИ ҲИС ҚИЛДИМ...»

Ушбу маҳалладаги кўп қаватли тураржойларнинг бирда, бир хонали уйда саккиз ёшли ўғли ва онаси билан қисилиб, ижарада яшаб келаётган Дилдора Узоқова ҳам Президентимиз билан суҳбатлашиш имконига эга бўлди. Турмушга нисбатан эрта узатилган Дилдора умр йўлдоши билан кўп яшамади. Турли сабаб ва келишмовчиликлар оиласи бузилишига олиб келди. Ёстиқдошдан ажраган бу жувон бир муддат ўси-улғайган уйда яшайди. "Чиққан қиз чиғирикдан ташқари", дея бежиз айтилмаган. Қисқаси, Дилдора анча вақтдан бери ижарага олинган уйда кун кечирмоқда. Қандолатчилик корхонасидан олаётган маоши рўзгоридан ортмайди.

Кундай равшан – бундай шароитда яшаётган Дилдорага уй керак. Уй олиш эса осон иш эмас. Имтиёзли кредит асосида берилаётган арзон тураржойга эга бўлиш учун ҳам маблағ – бошланғич бадал пули зарур. Дилдора шуни тополмай қийналади. У бу масалани ҳал қилиш учун ёрдам сўраб кўп идораларга борди, кимларга сарғаймади, дейсиз. Аммо ечим бўлмади. – Чорасизликдан нима қилишни билмай юрган пайтимда маҳалламизга Президентимиз келишини эшитиб қолдим. – дейди Д. Узоқова. – Бунга ишонч ҳосил қилган, эрталабгача уйқум келмади. Ниҳоят, давлатимиз раҳбари билан учрашиш, суҳбатлашиш бахти насиб этди. Фурсат

дан фойдаланиб, тураржойга бўлган эҳтиёжини айтдим. Юртбошимиз уй масаласи ҳал бўлишини айтган пайтдаги ҳолатимни таърифлаб беролмайман. Шу чоғда оғир касалликка чалиниб, ҳаётдан кўз юмган отамни эсладим. Отам ўрнига отамиз борлигини ҳис қилдим. Бошим осмонга етди. Кўнглим бўшади, кўзимга ёш қалқди. Ҳаяжонланганимдан миннатдорчилик билдиришни унутиб қўйганимни кейин билдим. Мен каби кўплаб юртдошларимизга ўз меҳрини аямай, ечим йўқдек туюлаётган катта-катта муаммоларни бартараф этиб келаётган давлатимиз раҳбарига минг раҳмат, дейман.

Давоми 2-бетда. ➡

Давоми 2-бетда. ➡

Ислохот

Оққўрғон туманида "Жамоатчилик маркази" иш бошлади. Тумандаги аввалги қурилми ва коммунал хўжалиги касб-хунар коллежи биноси таъмирланди.

МАРКАЗДА БАРЧАСИ МУҲАЙЁ



Ҳозир бу ерда фуқароларнинг ўзини ўзи бошқариш органлари фаолиятини мувофиқлаштириш бўйича туман кенгаши, ёшлар иттифоқи бўлими иш бошлади. Шунингдек, "Камалат" болалар ташкилоти сардорлар клуби, инглиз ва корей тиллари тўғрисида, маънавият ва маърифат хоналари фаолият юритмоқда. Марказда барча шарт-шароит ва қулайликлар муҳайё.

– Халқнинг дардини ўз зиммасига олиб, юрт тинчлиги, эл фаровонлиги йўлида ўзининг хотиржамлигидан кечиш, ҳаммамнинг ҳам қўлидан келавермайди, – дейди ушбу марказ қошидаги "Гўзаллик жилоси" тивувчилик корхонасида эндигина иш бошлаган Зулайхо Жўраева. – Шукри, бундай улкан масъулиятни ҳис этадиган Юртбошимиз бор. Демак, эртаимздан кўнгли тўқ, Яратилаётган имконият ва шароитлардан оқилона фойдалансақ кифоя.

Шу ўринда давлатимиз раҳбарининг: "Халқ рози бўлса, ишимизда унум ва барака бўлади. Халқ биздан рози бўлса, Яратган ҳам биздан рози бўлади", деган фикрларини келтириш ўринли.

"Гўзаллик жилоси" тивувчилик корхонаси йигирма нафардан зиёд кам таъминланган оилалар аъзолари ва ногиронлиги бор шахсларни иш билан таъминлаш имконини берди.

Тадбирда Ўзбекистон Республикаси Бош вазирининг ўринбосари, Хотин-қизлар қўмитаси раиси Т. Норбоева иштирок этди.

Ирода НОРБОЕВА, Тошкент ҳақиқати муҳбири.

14 январь – Ватан ҳимоячилари куни

АРМИЯ – МАРДЛИК, МАТОНАТ ВА ЖАСОРАТ МАКТАБИ

Чирчиқ олий танк қўмондонлик-муҳандислик билим юртида "Миллий тикланиш" демократик партияси вилоят бўлими ташаббуси билан "Миллий армиямиз – ёшларнинг мардлик, матонат, жасорат мактаби" мавзусида маънавий-маърифий тадбир ташкил этилди.

Унда Ўзбекистон Республикаси Қонунчилик палатаси депутати Э. Туляков, Маънавият ва маърифат маркази вилоят бўлими раҳбари Ш. Жумаев, Ўзбекистон халқ артисти Г. Зокирова, "Миллий тикланиш" демократик партияси вилоят кенгаши раиси М. Назаров ва бошқалар сўзга чиқиб, ҳарбийларни Куролли Кучларимиз ташкил топганининг 26 йиллик байрами билан қутлади.

– Бўлажак офицерларимизнинг ҳақиқий ватанпарвар ўғлонлар бўлиб камол топишида бундай тадбирларнинг ўтказилиши муҳим аҳамиятга эга, – дейди Чирчиқ олий танк қўмондонлик-муҳандислик билим юрти масъул ходими А. Шоҳақимов. – Асосий вазифамиз ҳам курсантларни ҳар томонлама етуқ мутахассис, ҳақиқий ватанпарвар қилиб тарбиялашдан иборатдир.

Давоми 2-бетда. ➡



Қобилжон ҒОҒУРОВ олган сурат.

Кўнгли ободнинг юрти обод!



Ободлик ва бунёдкорлик...

Азал-азалдан халқимизнинг қон-қонига сингиб кетган бу эзгу қадриятлар бугун тараққиёт ва янгилашларнинг янги босқичига шахдам қадам қўяётган юртимизда янгича маъно ва мазмун билан бойимокда. "Ободлик кўнглидан бошланади",



"Яхшидан боғ қолади", деган ҳикматли сўзлар халқимиз орасида кенг тарқалиб, эзгу даъватга айланган. Ўз уйи, ўз маҳалласи, ўз юртини гўзал ва обод қилиб, бундан мамнун бўлиб янаш инсонийлик мезони, турмушнинг зийнати, десак адашмаймиз.

Эзгулик

Ободлик, саранжом-сарошталик қандайдир мажбурият остида ёки фойда илжинида эмас, балки савоб умидида, қалб амри билан бажариладиган хайрли ишдир.

Бугун бугун вилоятимиз бўйлаб мана шу эзгу эҳтиёждан келиб чиқиб, хайрли ташаббус ўртага ташланди. Январь, февраль ва

март ойлари ободонлаштириш, кўкаламзорлаштириш палласи этиб белгиланди. Мақсад – яшариш ва янгилаш, қут-барақа, ободлик ва фаровонлик рамзи бўлиши Наврўзни маҳаллаларда, шаҳар ва қишлоқларимизда кенг кўламдаги ободончилик, бунёдкорлик ва

кўкаламзорлаштириш ишлари билан қарши олишдир.

Бугун кўплаб маҳаллаларимизда одамлар ташаббус кўрсатиб, ҳашарлар ташкил этмоқда. Маҳалла ва тураржойлар орасталаниб, ариқ-зовурлар тозаланиб, табаррук қадамжолар, қабристонлар тартибга келтириляптир. Кўча ва хиёбонларга манзарали дарахт кўчат-



лари ўтқазилганга жуда катта тадорик кўрилмоқда. Зотан, кўчат экиш ободликнинг энг муҳим омилларидандир. Зеро, дарахт бор жойда гўзаллик, мусаффо ҳаво, ризқ-рўз бўлади. Хонадондаги файзу барақа янада ортади, саломатлик мустаҳкамланади. Дарахтларга – меҳнатнинг самарасига боқиб, кўз қувнайди, дил яйрайди.

Дарҳақиқат, кўчат экиб, боғ яратишнинг гашти ўзгача. Кўчат экиш баҳонасида йиғилган дўстлар, қўни-қўшниларнинг дилтортар суҳбатларию ҳазил-мутойибалари кишига хуш кайфият бағишлайди. Ота-оналарига кўмаклашишга уринган болакайларнинг шодлиги ичига сигмайди. Одамларнинг ушшоқлигини кўрган ёш авлод шу юртнинг бахтли фарзанди эканини яна-

да чуқурроқ ҳис қилади. Негаки, бундай ҳаётбахш одатларимиз замирида халқимизга хос бағрикенглик ва ҳамжихатлик, аҳиллик ва ўзаро хурмат каби олижаноб қадриятлар мужассам.

Азиз вилоятдошлар!

Вилоят ҳокимлиги жойлардаги ободонлаштириш ва кўкаламзорлаштириш ташаббусларини кўллаб-қувватлаш ва рағбатлантириш учун махсус танлов эълон қилганидан хабарингиз борми? Танловга кўра, ободонлаштириш ойлари якунига кўра, энг обод маҳалла, кўча ва хиёбонлар, хонадонлар аниқланиб, ташаббускорлар ва бу ишларга бошқорув бўлганлар 10 миллион сўмгача пул мукофотлари ва қимматбаҳо совғалар билан тақдирланиши кўзда тутилмоқда.

Мана кўрасиз, бу ташаббус самарасида барпо бўлган боғлар, чаманзорлар, гулзорлар халқимизнинг порлоқ истиқболли, юртимизнинг ободлиги тимсоли сифатида ҳамisha гуркираб, гуллаб-яшнаб туради.

Бу хайрли ва савобли ишдан четда турмайлик, юртимиз, вилоятимиз ободлиги ва тараққиётига ўз ҳиссамизни қўшайлик. Зотан, обод манзиллардан қут-барақа аримайди, азизлар!

